

Beni Icipampa cakwa Lesa

Umuntu onse abumbwa mu 'cata cakwa Lesa.' Inshita shimo ilyo mwamona ibumba lya bantu kuti mwamona ifyo Lesa aba. Mu musango umo ifi efyo cipilibula ukubumbwa mu cata cakwa Lesa. Ifintu fyonse ifisuma fifuma kuli Lesa.

Lelo te fyonse ifyaba pano isonde ifyalungama, bushe efyo? Nga twalolesha mu myeo yesu, ngatwaishile pamo mumishi yesu bonse, kuti twamona bwangu bwangu amafya, ukuitakisha elyo nokupusana uko tupitamamo lyose. Cilya cata cakwa Lesa tacimoneka nelyo panono iyo. Cali lubana, califiswa kabili cali tobaika!

Muli Kolose 3:9-12 Icipingo citila, "Mwilabepana, pantu mwalifuma muli bumuntu bwakale na mu mibeele yabuko. Mwalingila muli bumuntu bupya. Lesa e kabumba wa bumuntu bupya. Amulenga ukuti mulealukilako cipya cipya mu cata cakwe, epakuti amulete kukumwishiba bwino bwino. Muli bumuntu bupya tamwaba kapatulula kakuti uyu Mwinafyalo noyu Muyuda, uyu alisembululwa noyu tasembululwa, uyu mututu noyu mwina mpanga, uyu musha noyu muntungwa. Lelo kuli ifwe bonse, Kristu ewacindamisha kabili aba muli ifwe bonse. Imwe muli basalwa bakwa Lesa, abamushilo kabili abo atemwa. Kanshi nomba toleni imisango iyalinga, muleba abaluse, abacikuuku, abafuuka, abamutembo no mutekatima."

Ukufula ubuntu bwakale no kusambilila ukukonka Yesu eco twita ukutula ubusambi. Ilingi tutontonkanya ukuti ubusambi kupokelela ubwishibilo ubupya kabili ubwalinga. Lelo cashintilila fye pa kusambilila ukusumina ifishinka ifyalungama. Ici ecipande icikankala mumulimo wa busambi, lelo kuli na fimbi ukucila pali ifi! Ubusambi ku bwesha icata cakwa Lesa mumitima yesu, mumyeo yesu na mumano yesu. Ici kuti cacitwa ukupitila mu bantu twikala nabo elyo ne cipanda conse.

Ici kuti cacitika fye ukupitila mukwishiba Yesu Kristu nokumusuminisha ukutupilibula. Ilyo twapilibuka, tuli nokulanga bwino icikope cakwa Lesa ku bantu. Ifi efyo abantu benga mona Lesa muli ifwe. Elubali lumo ulwe pange lyakwa Lesa ilya kupilibula isonde lyonse.

Ilyo twafwala "inkumbu, icongwe, ukunakilila, ukufuka no kuteka umutima" umusango tumwenamo abanensu uli no kwaluka. Ifi fintu teti tuicitile fwe bene fweka iyo! Amabumba Yabumi yalapeela incende iyakutula ilyo tuli pamo kuti twa sambilishanya pali Lesa no kubiika ifyo tule sambilila muku cita. Ilyo Yesu aletwafwa ukufula ubuntu bwakale no kufwala ubuntu bupya, icata cakwa Lesa cili no kula moneka muli ifwe, mwi bumba lyesu elyo nomba na mu cipanda conse. Iciputulwa icikankala nganshi mu mulimo wa busambi kusokolola icata cakwa Lesa ku bantu bonse abatushinguluka.

Bikeni Muku Cita!

Kuti mwa tendeka Ibumba Lyabumi mumushi wenu na bantu abalekabila ukwishiba Yesu naba mwishiba kale. Bonse pamo kuti mwasambilishanya, ukuba icipanda cimo no kusanga inshila sha kuti mwinga belamo icipampa icakulangilila 'icata' cakwa Lesa. Bushe ino te nshita yakuti umushi wenu umone bwino ifyo Lesa aba?


Pepeni ukutula:

- 1) Lesa ali nokumyafwa ukuba abafuma icumi kuli umo no mubiye no kusambilishanya pamo ilyo mulefula 'ubuntu bwakale' no kufwala 'ubuntu bupya.'
- 2) Ilyo mulekonka Yesu ukupilibuka kwa fintu mwi bumba cikaba bunte ubukalamba sana ku bantu abalemimona.



"Imfumu imo yatemwenwe nganshi ukumfwa imbila nsuma yakwa Yesu kabili yaumfwile bwino pa milimo iyale bombwa mu Amabumba Yabumi aya mu calo caiko, eico ya lombele uku batishiwa!"

- Frank, Simambwe, Tanzania



Ili isambilisho lya fumine mu "Ubusambi mu Cipanda" isambililo ilyaba mu citabo ca Away Kit ilisangwa mu nsale pa:
dignityonline.org.uk/publications